Universal Declaration of Human Rights - Komi-Permyak

© 1996 – 2009 The Office of the High Commissioner for Human Rights

This HTML version prepared by the UDHR in Unicode project, http://www.unicode.org/udhr.

Морт правоэзлон быдос мирись отласа декларация

Примитом и паськыта юортом Генеральной Ассамблеялон 217 А (111) резолюцияон декабрь 10 луно 1948 годо

Кыводз

Медбы тöдны, что морт семьяись быд членлöн эм аслас достоинство, а сылöн öткодь да мырддьытöм правоэз лоö воля, справедливость да лöнь олан понда основаöн; медбы тöдны, что морт правоэз нем туйö пуктöм вайöтіс ни умöль, кöда морт увтырлö оз сет овны совесть сьöрті, и что сэтшöм мирыс, кытöн отирыс пондас авйыны да сернитны повтöг, а овны нуждатöг, лоас сьöлöмсянь керöм быдöнныс понда; и

медбы тодны, что коло керны быдос, медбы мортлон пра- воэз дозирайтсисо законон и эз адззисьо моггез мортысло лэбтісьны паныт умоля видзомло да дзескотомло; и

медбы тодны, что пыр коло отсавны отиррезло ёртасьомын; и

медбы тöдны, что Йитöм Нацияэзлöн народдэз гижисö вын мортлісь медыджыт правоэз, вылына лэбтісö личностьлі дон, мужиккезлісь да инькаэзлісь öтыжда правоэз и кутчисисö эшö ёнжыка отсавны социальнöй прогресс да вольнöй олан бурсьöтöмын; и

медбы тöдны, чтo членнэз-гoсударствоэз кöсйисисö oтсавны Нацияэзлöн Йитöм Чукöрлö öтласа уджын, öтамöд коласын мoрт правоэз сьöртi бытшöма да вольнöя олöмын; и

медбы тöдны, что энö правоэсö да свободаэсö позьö тырмö пыртны оланас дзир сэк, кöр быдöнныс вежöртöны нылісь ыджыт донсö,

ГЕНЕРАЛЬНОЙ АССАМБЛЕЯ паськыта юёртё этё морт правоэзлісь быдёс мирись ётласа декларациясё кыдз задача, кодё керны колё вынтётчыны быд отирлё и государстволё сійён, медбы быд мортыс и быд общественнёй этё Декларациясё юрын орёттёг видзтён, просвещеннё да велётчём увья вынтётчисё керны быдёс, медбы донтны энё правоэсё да свободаэсё, пыртны нійё оланё национальнё да отиррезлён ётласа прогрессивнёй праздниккезё Чукёрись членнэз-государствоэзлён быд отиррезён бытшёма примитёмён.

1 гижöт

Быдöс отирыс чужöны вольнöйезöн да öткоддезöн достоинствоын да правоэзын. Нылö сетöм мывкыд да совесть овны öтамöдныскöт кыдз воннэзлö.

2 гижöт

Быд мортло борйисьтог сетсьоны быдос правоэз да эз, кодна висьталомось эта Декларацияын, кытшом бы эз вов раса, кучиклон ром, пол, кыв, ено веритом, политической да модік вежор, национальной нето социальной петом, имущество да сословие.

Сідз жö оз позь торйöтлыны политическöй, правовöй нето страналöн международнöй статус увья, нето сьöрті, кытöн олö мортыс, ась эта территорияыс вольнö кинкö увтын, аснас оз веськöтлы нето кыдз-нибудь мöднёж зэлöтöм суверенитетын.

3 гижöт

Быд мортлон эм право овны дзескоттог да ворзьоттог.

4 гижот

Некинöc оз позь видзны рабствоын нето пöдан сайын; раб видзöм да раббезöн вузасьöм оз вермö вöвны миян оланын.

5 гижöт

Некинос оз вермо пытайтны, уськотны мортыслісь достоинство умоль мог нето наказаннё пыр.

6 гижöт

Быд мортлон, кытон бы сія эз вов, эм право лыддьыны асьсо праволон субъектон.

7 гижöт

Мийö быдöнным законыс одзын öткодьöсь и öтмоза дорйöмöсь. Миян быдöннымлöн эта Декларация сьöрті право дорйыны асьнымöс быдöс умöльсянь, кинсянь бы сія эз лок.

8 гижёт

Быд мортлон эм право бертны аслыс оштом правоэз, кодна сетомось сыло конституцияон нето законон, тодчана национальной суддэзын.

9 гижот

Некинос оз позь законтог арестуйтны, кутны нето вотлыны.

10 гижöт

Быд мортлон, кор сійо винитоны уголовной статья сьорті, право тодны справедливой независимой судын ассис правоэз да обязанносттез и эм я мыйко сэтшомыс, мед сійо винитны.

11 гижöт

- 1. Быд морт, кöр сійö винитöны умöльын, вермö лыддисьны правöн сэтчöдз, кытчöдз сылісь умöль керöмсö законнö оз мыччав осьта суд, кытöн мортыслö сетсьö быдöс дорйöт понда.
- 2. Некинöc оз позь судитны мый понда бы эз вöв, ежели эта коста керöмась нацональнöй закон нето быдöc отиррезлöн право сьöрті нем умöльыс эз вöв. Оз вермы сідз жö мыжйöмыс сьöкытжыкöн сысся, кöда вермис лоны сетöм умöль керöмыс коста.

12 гижöт

Некин оз вермы дзугны мортлісь ассис да семейной ворзьотны сылісь оланін, честь да бур ним. Быдыслон эм право сайовтны асьсо ворзьотломмезсянь законон.

13 гижот

- 1. Быд мортлон эм право вольноя ветлотны и борйыны аслыс горт коть кытшом государствоын.
- 2. Быд морт вермо мунны йоз и аслас странаись и бертны аслас странао бор.

14 гижот

- 1. Быд мортлöн эм право дзебсисьны вöтлöмсянь мöдıк странаэзын и овны сэтчин.
- 2. Эта правоыс öшö сэк, кöр мортсö кошшöны не политическöй преступленнё понда, а мöдік умöлись, мыйыс мунö паныт Нацияэзлöн Йитöм Чукöрлöн принциппезлö да моггезлö.

15 гижёт

- 1. Быд мортлон эм право гражданство выло.
- 2. Некинлісь оз вермо весись мырддьыны гражданство нето правосо вежны сійо.

16 гижёт

- 1. Мужиккез да инькаэз, кöдна лыддисьöны нолетньöйезöн, вермöны гöтрасьны, керны семья, кытшö бы нылöн раса, национальность нето религия эз вö Нылöн эмöсь öткодь правоэз гöтрасьны, öтлаын овны и торйöтчыны.
- 2. Гöтрасьны позьö дзир сэк, кöр кыкнан мортыс олöны бы öтлаын.
- 3. Семья это учотик, но дона колана торок отирыслон, и отирысло да государствоысло коло дорйыны сійо.

17 гижöт

- 1. Быд мортлон вермас лоны имущество кыдз аслас, сідз и отласа.
- 2. Некинлісь оз позь мырддьыны имуществосо астогьяс.

18 гижёт

Быд мортыс вермо асмознас авйыны, совеститчыны да ны енло; эта правоыс сето вежны ассит ен, моднеж вежортны олан, отнатло и отлаын модиккезкот донтны коть кытшом енос да ассиныт арт, велотчыны, юрбитны да чулотны религиозной да ритуальной обряддэз йоз дырни нето дзир аскоттят.

19 гижёт

Быдыс вермо артавны асмознас и коть кытон баитны эта йылісь йозло; эта правоыс сето мортысло воля овны аслас юрон, повтог кошшыны, адззыны да новйотны омон юо да ассис арттэз кыдз сія только кужо и кытшом бы границаэз сайын эз вов.

20 гижот

- 1. Быд мортлон эм право оксьыны отлао да бытшома сёрнитны, а сідзжо йитсьыны чукоррезо.
- 2. Некинос оз позь вынон пыртны кытшом-либо чукоро.

21 гижёт

- 1. Быд мортыслон эм право веськотлыны аслас странаон веськыта нето вольноя борйом йоз пырйот.
- 2. Быд мортыс вермö öтмоза керны аслас странаын государственнöй
- 3. Отирлон воляыс, тшоктомыс эм юраліссез властьло основа; эта воляыс мыччассьо выборрезын, ко чулотсьоны быдос отирон и откодя борьян право сьорті гусьона голосуйтомон нето моднёж, но тожо свободноя голосуйтомон.

22 гижёт

Быд мортлон, кыдз обществолон членлон, эм право социальной отсот выло, вылына видзны ассис достоинство, свободноя зоротны личность экономической, социальной да культурой сфераэзын национальной уджон, отиррез коласын ёртасьомон да быд государстволон структура да вермом сьорти.

23 гижёт

- 1. Быд мортлöн эм право уджавны, свободнöя бöрйыны удж, корны уджын бытшöм да справедливöй условиеэз, дорйисьны, медбы уджсис эз чапкö.
- 2. Быд мортлон эм право откодь удж понда откодь вештом выло, кытшом-либо дискриминациятог.
- 3. Быд уджалісь мортлон эм право бытшом да справедливой вештом выло, медбы сія ачыс и сылон гортіссес вермисо овны достойноя, а кор ковсяс, адззисо модік социальной отсот.
- 4. Быд морт вермо аркмотны профессиональной чуко да пырны эна профессиональной чукоррезо асьсо дорйом понда.

24 гижот

Быд мортлöн эм право шоччисьны, корны, медбы уджыс дырöв эз кыссьы и кадісь кадö вöлі сетöм вештана отпуск.

25 гижёт

- 1. Быд мортлон эм право сэтшом олан выло, кор тырмис бы сёян, паськом, волі бы оланін, шоготтэзісь веськотом, колана социальной отсот, кор ачыс мортыс и сылон гортіссес олісо бы шогавтог да бура, сідзжо эм право отсот выло, ежели мортыс оштіс удж, пондіс шогавны, лоис инвалидон, кольччис отнас нето сыло немон лоис овны не ас кузяас.
- 2. Кага вайом да челядь зоротом сетоны право бытшом дозирайтом да отсот выло. Быд челядёклон, кодна чужисо гижсьом ай-мамлон нето гижсьытог, эм откодь социальной дорйот.

26 гижöт

- 1. Быд мортлон эм право велотчыны. Коло керны быдос, медбы коть начальной да общой образованне волісо вештісьтог. Начальной образованнеыс быдонныс понда лоо обязательнойон. Технической да профессиональной образованнеыс сетсьо быдло, отмоза сетсьо быд мортыслон сы вермом сьорті и высшой образованне.
- 2. Мортсо коло велотны сы понда, медбы бура зораліс сылон личность, содіс уваженнё сылон правоэз да свободаэз дыно. Велотчомыс отсало вежортны отамодос, керо мортсо небытон, отирресо ёртасьото, отсало йитсьыны раса да енло веритом сьорті чукоррезло, а Нацияэзлон Йитом Чукорло керны да дорйыны бытшом лонь олан.
- 3. Ай-мамлон эм приоритет борйыны, кытон ны поснит челядьло велотчыны.

27 гижöт

- 1. Быд мортлён эм право пуктыны пай ётласа культурнёй оланё, гажётчыны искусствоён, зорётны научнёй прогресс да тёдны сылсь быдёс бурсё.
- 2. Быд мортлён эм право дорйыны ассис моральнёй да материальнёй вермёммез, кёдна шедтёмёсь сыён кыдз авторён научнёй, литературнёй нето художественнёй уджён.

28 гижёт

Быд мортлöн эм право социальнöй да отиррез коласын примитöм порядок вылö, кöда сьöрті эта Декларацияын гижöм правоэс да воляэс вермасö быдсöн лоны пыртöмöсь оланö.

29 гижёт

- 1. Быд мортыс видзö кыв отир одзын, кöда öтнас вермö сетны сылö вольнöя да бытшöма зоравны.
- 2. Быд мортлісь правоэсо да волясо законысло коло джендотны дзир сы понда, медбы не оштыны правоэсо да свободаэсо модіккезло, а демократической йоз коласас вылына видзсис мораль, волі дзугсьытом да бур олан.
- 3. Эна правоэс да воляыс оланын некöр оз вермö мунны паныт Нацияэзлöн Йитöм Чукöрлöн принциппезлö да моггезлö.

30 гижöт

Нем эта Декларацияын оз вермы лоны вежортом сідз, бытьто кытшом-либо государстволо, йоз чукорло нето торья морттэзло сетом право удж выло нето керны мый-либо сэтшомо, мый бы мырддис правоэсо да волясо, кодна висьталомось эта Декларацияын.